

rechtten zu Glarus, von welchen sachen allen wier hievor khein wissens hat-
tendt, vermercktt, So habend wier niemanden an synem Recht zu verkurtzen.
Zwar nitt weniger als gesagte ... E. von Schwitz dimals der sachen thun unnd
Jnn ander weg begegnen khönnen dann unsere hievor gegebne Erkhandtnus uffze-
heben, unnd die schon angefangne Rechtsübung von Ohrtt zu Ohrtt zu bestet-
tigen. Sol uns gwüsslich Jr Fr. gnaden verthrowen so wier mitt einicher bil-
lickeitt Jme Tschudi von synem vorhaben abwenden oder unverhörtt hetten las-
sen khönnen, wier Jnn thriwen iwer Fr. gnaden zu Eheren ... was möglich ge-
than hettendt, So nitt die starcke fürschriben, so er von Zürich unnd Glarus
uns uberbrachtt, Jme der Audientz zu willfahren getrungen. Wier aber Jedoch
hierinn niemanden ahn synem rechtten nützit benomen, sondern Jst unser meyn-
ung unnd will, das nach angesetztem vollendten Rechtstag zu Schwitz, da
dannn allernechst so woll Jr Fr. gnaden Anweltt als auch die Tschudi wider-
umb vor uns mitt aller nottwendikeitt gnugsam zum rechtten erschynendt, da
dan wier Jr Fr. gnaden woll versichern wellen das Jro ahn Jren habenden gut-
ten rechtten, noch Jemanden anderem by dem wenigsten einicher abgang oder
schmelerung beschechen, sondern was ... billich unnd recht erolgen. Das
habend wier iwer Fr. gnaden ... zu Jrer nachrichtung unberichtt nitt lassen
unnd darby gantz fründtlich pitten wellen, uns dis zu kheinem unangenenen ge-
vallen nitt anzunemen. Dann unsere wahre Jntention ... [ist] iwer Fr. gnaden
unnd dero nachkhomen by Jren habenden gutten rechtten, bruchen unnd gwonheit-
ten auch uffgerichtten verträgen zu schützen, schirmen unnd ze handhaben".

- 1) vgl. EA V 1, 1468 Art. 179ff sowie Merz/Burganlagen und Wehrbauten II 556.
Der Bischof von Konstanz war Lehensherr von Schwarzwasserstelz.

Konzept, von Stadtschreiber K o n r a d III. Zurlauben
AH 71, 33-34 - Blatt 34^F leer

22

[1611 ca. Febr.]¹

A

SCHREIBEN [VON AMMANN UND RAT VON STADT UND AMT ZUG AN LANDAM-
MANN UND LANDRAT VON SCHWYZ]

"Demnach wier mitt höchstem unserem beduren von unserm ... Mittrath unnd
Stattschribern [K o n r a d III. Zurlauben] berichtett was massen Hauptman
[Rudolf I.] Krölen [=K r e u e l] von Baar ettliche Kriegs Knechtt so kurtz
verschynen us dem Meylendischen Zug Jnn Jrem Heimreisen Jnn des uweren wirtts

zum wissen Krütz Zu Arth behusung schandtliche unnd Erverletzliche unlidentliche wortt sollendt über Jnn usgossen haben, deren er aber noch khein rechtter grundt noch erfarenheitt, wyl dann er als unser Mittglied syn liebe Eher ze erhalten diser reden auch dero personen namen so solche usgossen ein rechtter unnd wahrer bericht vonnöten.

So lange hyemitt syn dienstlichs pitt wier wolttendt desenthalen wuch ... fründtlich zuschriben auch zwen us unserm mittel abordnen, dessen wier uns nitt geweigertt sondern Jst unnd langtt unser gantz fründtlich ... pitten, das Jer ... umb des lieben unnd billichen rechtten willen ein wahren unnd rechtten grundt solcher reden unnd namen der personen von dem gesagten wahren wirtt zu Arth auch welche sunst by solcher verlauffung gewesen sich alles Ernsts Jnnemen unnd uns dessen schrifftlich auch durch unsere abgeordneten mundtlich berichtten, darmit hernach der unser dem billichen rechtten Jnn grundt nachsetzen. Auch wo dann vernere unnd mitt recht Kundtschafft Jnnzemen vonnöten er wissens haben was für personen als dann hierzu solle verkundt unnd mitt recht fürgenommen werden. Wye dann der unser solche reden nitt erlygen lassen unnd wier die nitt gestatten khönnendt. Daran erweisendt Jer ... was der billickeitt gemess unnd sindt wier Jnn allen zutragenden gelegenheiten solches umb iuch unnd die iweren gemeincklich zubeschulden unnd zu erwidern gantz geneigt unnd willig".

1) Datum sowie Absender und Empfänger aufgrund von AH 14/10 erschlossen.

Konzept, von Konrad III. Zurlauben - AH 71, 35

23

1621 Dezember 19./9., Mailand

SCHREIBEN DER GESANDTEN¹ DER XIII ORTE [AN DEN GUBERNATOREN VON MAILAND, GOMEZ SUAREZ DE FIGUEROA Y CORDOVA, DUQUE DE FERIA]

EA V 2, 242

s. AH 32/112

1) s. EA V 2, 241 (Nr. 212). Der hiefür allenfalls in Frage kommende Konrad III. Zurlauben nahm an dieser Gesandtschaft selbstredend nicht teil.

Kopie, von anderer Hand als AH 32/112 - AH 71, 36